

Lingzyinz: Dawz Minzcuz Conzdungj Vwnzva Daiq Haeuj Gwnzdangz

凌云：民族传统文化进课堂

Lingzyinz Yen minzcuz conzdungj vwnzva lai cungj lai yiengh, lumj dajsiuq, guh mauhbya' gim, haizmeuz daengj, hoeng, gij ndawbiengz conzdungj soujgunghyi neix gyoengq bouxcoz gaenq rox gig noix lo. Vihliux fazcanj bonjdieg vwnzva, vatgud bonjdieg gunghyi daegsaek, beizyangj boux vunzcaiz daeuj cienzswnj conzdungj soujgunghyi, youq Yanghgangj segih

baengzyoux bangcoengh baihlaj, Sinhsouj Gyahyenz youq yienh cizyez yozyau ban yousw h guh hag conzdungj soujgunghyi hozdung, cingj bouxlaux rox dinfwngz daeuj hagdangz son hagseng, moix aen singhgiz son song dangz goq, gyoengq hagseng haengj hag, hag ndaej vaiq, seizneix haujlai hagseng cungj hag rox guh mauhbya' gim lo.

(Lij Caijlanz)



▲ Cozbinj hagseng——mauh-bva' gim.



▲ Daxbuz son gyoengq hagseng guh mauhbya' gim.



▲ Gyoengq hagseng nyinhcaen hagsib dinfwngz.

Cingsih: Heiqmoegyau Yinx Vunzlai Daeuj Yawj 靖西：木偶戏吸引八方群众

Moix bi daengz liggaueq bet nyied cibngux, gyoengq ginzcung Cingsih Yen Dungzdwz Yangh Cizlenz Cunh Mbanjgwnzdoengh cungj byaujyenj heiqmoegyau caeuq heiqcangzngoz, yinx seiq mienh bet fueng vunz daeuj yawjngonz. Cawz le byaujyenj heiqmoegyau, lij guh eu fwen doxdax, ndaw mbanj vwnzva swngghoz lai cungj lai yiengh, vunzlai doxndei doxhuz. Heiqmoegyau caeuq heiqcangzngoz dwg feihvuzciz vwnzva yizcanj yienh Cingih.

(Hoz Byauh Liengz Hwngz-gvanguh)



▲ Bouxlaux ndeu angq yienj heiq moegyau.

Ciyencej Hawj Hagseng Hwnj Dangz Gohyoz

西部计划志愿者给学生上科学课



9 nyied 21 hauh, gyoengq boux baihsae giva ciyencej bae daengz Lungzswng Gak Cuz Swciyen Lungzswng Siujyoz, hawj hagseng hwnj song dangz goq gohyoz, doenggvaq youq gwnz dangz guh gohyoz sizyen, gikfat gyoengq lwnyez miz gij siengjmuengh damqra gohyoz haenx. Gyoengq ciyencej lij soengq douzyingjyiz, denjnauj daengj doxgaiq sonhag gohyoz haenx. Ndaw doz dwg gyoengq hagseng Lungzswng Siujyoz caeuq bouxcyiencej cuengqmbin "ruzmbin".

(Veiz Gizyangz)

Yungzsuij: Yiengh Ranz Mbanjmyauz-cai Yienj Minzcuz Daegsaek

融水：苗寨风貌显民族特色

Bineix gvaqdaej, Yungzsuij Myauzcuz Swciyen doiq Anhdai Ungghi, Gamjbyaleix, Mbanjminzcuz Cangzlai daengj dieg guh gaijcoih, hawj ranz Myauzcaiz gya saeudiuq, dem ngvaxmoq, sat bangxcienz, baujhoh gij minzcuz daegsaek Mbanjmyauzcaiz. Doengzseiz, giethab hong "Yungzsuij gyaundeiz cinghseuq lajmbanj", gaijndei vanzging ndaw mbanj, sawj ndaw mbanj bienq ndaej gyaundeiz moqsak, yinx bouxhek daeuj youz.

(Liu Swjyenh)



▲ Gyoengq bouxhek sijsaeq ngonzyawj saeuvenz Mbanjcangzlai.